



ENWI AUTOMATIG CYFLYM (RAN) – GWRTHRYCHAU Cyfarwyddiadau Gweinyddu a Sgorio

Gwybodaeth am y Prawf

Beth sy'n cael ei fesur	Mae'r prawf yn mesur cyflymder enwi eitemau sydd ddim yn alffaniwmerig. Mae'r prawf hwn yn cyflwyno'r eitemau yn weledol felly ni fydd angen dim gwybodaeth rifyddol na llythrennol o flaen llaw. Felly bydd y prawf yn mesur gallu'r plant i gynhyrchu labeli ar lafar i enwi'r gwrthrychau yn rhugl ac yn sydyn.	
Ystod oedran	Oherwydd dydy'r prawf yma ddim yn alffaniwmerig, mae'n addas ar gyfer plant dosbarth derbyn a blwyddyn 1 a 2.	
Sgorio (Cyflymder, Gwallau)	<p><u>Cyflymder</u>: Cyfartaledd yr eiliadau mae'n gymryd i enwi'r holl set o wrthrychau ymhob treial (e.e., (eiliadau o dreial 1 + eiliadau o dreial 2)/2).</p> <p><u>Gwallau</u>: Cyfartaledd nifer y gwrthrychau sydd wedi eu henwi yn anghywir neu wedi eu methu (e.e. (gwallau o dreial 1 + gwallau o dreial 2)/2). Bydd cyfradd y gwallau ond yn cael eu hystyried yn ansoddol, oherwydd eu bod fel arfer yn isel iawn.</p>	
Normau	Bydd normau Cymraeg ar gael yn fuan	
Deunyddiau gweinyddu	Dyfais recordio Stopwats Cerdyn Ymarfer a Phrawf Gwrthrychau RAN Taflen Sgôr Gwrthrychau RAN	

Trefn y Prawf

1. Cyflwyniad i'r prawf

Mae'r Gweinyddwr yn dweud:

“Rŵan dan ni'n mynd i enwi'r lluniau mor gyflym â phosib. Wyt ti'n gwybod enwau'r lluniau yma?
[Gweinyddwr yn dangos y pum llun o'r cerdyn Ymarfer a Phrawf Gwrthrychau RAN i'r plentyn].

Os gall y plentyn enwi'r lluniau yn gywir heb gymorth mae'r Gweinyddwr yn symud ymlaen at yr eitemau Prawf.

Os dydy'r plentyn ddim yn gwybod enw'r llun mae'r Gweinyddwr yn enwi'r llun ac yn gofyn i'r plentyn i'w ailadrodd. Wedyn mae'r Gweinyddwr yn gofyn i'r plentyn enwi'r set lawn eto (heb gymorth). Cewch ailadrodd y broses hon hyd at dair gwaith os oes angen.

2. Cynnal y prawf

Gweinyddwr yn dweud:

“Rŵan pan dwi'n dweud **EWCH** enwch bob llun ar y daflen mor gyflym â phosib. Mae'n rhaid i ti enwi'r lluniau mewn trefn.” *[Gweinyddwr yn dangos y drefn o'r chwith i'r dde gan ddangos yr eitemau prawf]*

“Cofia ddefnyddio dy fys i dy helpu i ddilyn. Os wyt ti ddim yn gwybod symuda ymlaen at y llun nesaf mor gyflym â phosib. Barod, EWCH” *[Gweinyddwr yn dechrau'r prawf.]*

- Bydd y gweinyddwr yn dechrau'r stopwats cyn gynted ag y bydd y plentyn yn ynganu'r llun cyntaf.
- Bydd y gweinyddwr yn stopio'r prawf ar ôl i'r plentyn ynganu'r llun olaf.
- Dylai'r prawf cael ei recordio.
- Dylai dau dreial y prawf cael eu cynnal yn syth ar ôl ei gilydd mewn un sesiwn brawf.

3. Sgorio

- Dylai'r gweinyddwr gyfeirio at y Daflen Sgôr Gwrthrychau RAN i sgorio'r eitemau.
- Cofnodwch yr amser mewn eiliadau i bob treial ac yna cyfrifwch gyfartaledd y ddau amser.
- Cofnodwch gyfanswm gwallau pob treial ar yr daflen sgôr a chyfrifwch gyfartaledd i'r ddwy gyfradd gwallau.
- Dydy hunan-gywiriadau DDIM yn cyfri' fel gwall, ond dylech eu cofnodi trwy ysgrifennu HG wrth ymyl y gair.
- Cofnodwch eitemau gaiff eu pasio/methu trwy ysgrifennu / wrth ymyl y gair, a chyfrif hyn fel gwall.